

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
VLADA**

Broj: 02-01-7193-1/15.
Zenica, 16.04.2015. godine

Z A P I S N I K
sa 4. sjednice Vlade Zeničko-dobojskog kantona održane 02.04.2015. godine

Sjednica je održana u sali 109, prvi sprat u zgradi Kantona, dana 02.04.2015. godine u trajanju od 10⁰⁴ do 12⁵⁴ sati.

Sjednicom je predsjedavao Miralem Galijašević, premijer Zeničko-dobojskog kantona.

Sjednici su prisustvovali članovi Vlade:

1. Himzo Smajić, ministar Ministarstva za poljoprivredu, šumarstvo i vodoprivredu,
2. Mirnes Bašić, ministar Ministarstva za pravosuđe i upravu,
3. Nurđehan Šahinović, ministar Ministarstva za rad, socijalnu politiku i izbjeglice,
4. Fahrudin Čolaković, ministar Ministarstva za boračka pitanja,
5. Hajrudin Žilić, ministar Ministarstva unutrašnjih poslova,
6. Mensur Sinanović, ministar Ministarstva za obrazovanje, nauku, kulturu i sport,
7. Zvonimir Anđelić, ministar Ministarstva za privredu,
8. Bojan Gvozdenović, ministar Ministarstva zdravstva,
9. Andrej Kajić, ministar Ministarstva finansija,
10. Goran Bulajić, ministar Ministarstva za prostorno uređenje, promet i komunikacije i zaštitu okoline,

kao i:

11. Berjana Ačkar, sekretar Vlade,
12. Mirsad Kadić, sekretar Sekretarijata za zakonodavstvo,
13. Alma Hrnjić, zapisničar.

U svojstvu izvjestioca sjednici su prisustvovala:

1. Đenana Čolaković, sekretar Stručne službe za
2. Mirsada Silajdžić, direktorica Kantonalne uprave za inspekcijske poslove.

U svojstvu gosta sjednici je prisustvovala:

1. Draženka Subašić, predsjedavajuća Skupštine Zeničko-dobojskog kantona.

Premijer je stavio na diskusiju predloženi

D N E V N I R E D :

1. Verifikacija zapisnika sa 1. sjednice Vlade Zeničko-dobojskog kantona, održane dana 19.03.2015. godine;
2. Verifikacija zapisnika sa 2. sjednice Vlade Zeničko-dobojskog kantona, održane dana 23.03.2015. godine;

3. Prijedlog Zakona o izmjenama i dopuni Zakona o socijalnoj zaštiti, zaštiti civilnih žrtava rata i zaštiti porodice sa djecom, sa Prijedlogom Zaključka o utvrđivanju;
4. Prijedlog Zaključka o odobravanju finansijskih sredstava Regionalnoj ekonomskoj zajednici REZ d.o.o. Zenica na ime sufinansiranja projekta „Stručno osposobljavanje i zapošljavanje krojača za potrebe Ziko d.o.o. Zavidovići;
5. Prijedlog Odluke o odobravanju finansijskih sredstava na ime pomoći od značaja za rad javnih-humanitarnih kuhinja Zeničko-dobojskog kantona;
6. Informacija o stanju bezbjednosti na području Zeničko-dobojskog kantona za 2014. godinu, sa Prijedlogom Zaključka o prihvatanju;
7. Informacija o realizaciji projekta „Kreditno-garancijski fond Vlade Zeničko-dobojskog kantona“, sa prijedlogom zaključka o prihvatanju;
8. Prijedlog Uredbe o izmjeni Uredbe o dopuni Uredbe o izmjeni Uredbe o naknadama i drugim materijalnim pravima koja nemaju karakter plaće;
9. Prijedlog Zaključka o prihvatanju Inicijative notara Selima Brkića iz Tešnja i Notarske komore Federacije Bosne i Hercegovine za izmjenu člana 11. Zakona o sudskim taksama („Službene novine Federacije Bosne i Hercegovine“, broj: 12/09, 4/11, 7/11, 15/11, 2/12, 9/13, 2/14 i 1/15) sa Mišljenjem Ministarstva za pravosuđe i upravu broj: 06/03-02-25886/15;
10. Prijedlog Odluke o raspodjeli sredstava za finansiranje političkih stranaka i koalicije političkih stranaka zastupljenih u Skupštini Zeničko-dobojskog kantona za mjesec mart 2015. godine;
11. Prijedlog Rješenja o razrješenju i konačnom imenovanju novog člana Školskog odbora Srednje muzičke škole Zenica iz reda nastavnika stručnih saradnika i osoblja škole;
12. Prijedlog Zaključka o davanju saglasnosti na Odluku Senata Univerziteta u Zenici o usvajanju inoviranog Nastavnog plana i programa I (prvog) ciklusa studija na Odsjeku za islamsku vjeronauku Islamskog pedagoškog fakulteta Univerziteta u Zenici;
13. Prijedlog Zaključka o davanju saglasnosti JP Elektroprivreda BiH d.d. Sarajevo, Podružnica Elektrodistribucija Zenica za izvođenje radova u dvorištu OŠ Ahmed Muradbegović Donji Kakanj;
14. Prijedlog akata koji proizilaze iz Programa mjera štednje Vlade Zeničko-dobojskog kantona za 2015. godinu;
15. Izvještaj o utrošku sredstava po „Programu nabavke opreme i materijala“ Kantonalne uprave za inspeksijske poslove za 2014. godinu, sa Prijedlogom Zaključka o usvajanju;

Ministar Ministarstva unutrašnjih poslova predložio je dopunu dnevnog reda tačkama:

1. Uredba o izmjeni Uredbe o plaćama, naknadama i drugim materijalnim pravima policijskih službenika Zeničko-dobojskog kantona;
2. Prijedlog Zaključka o ustupanju na privremeno korištenje stalnog sredstva Ministarstva unutrašnjih poslova Škoda Octavia, Ministarstvu za pravosuđe i upravu;

Članovi Vlade saglasili su se sa predloženim dopunama, te je za sjednicu jednoglasno usvojen slijedeći

DNEVNI RED :

1. Verifikacija zapisnika sa 1. sjednice Vlade Zeničko-dobojskog kantona, održane dana 19.03.2015. godine;
2. Verifikacija zapisnika sa 2. sjednice Vlade Zeničko-dobojskog kantona, održane dana 23.03.2015. godine;

3. Prijedlog Zakona o izmjenama i dopuni Zakona o socijalnoj zaštiti, zaštiti civilnih žrtava rata i zaštiti porodice sa djecom, sa Prijedlogom Zaključka o utvrđivanju;
4. Prijedlog Zaključka o odobravanju finansijskih sredstava Regionalnoj ekonomskoj zajednici REZ d.o.o. Zenica na ime sufinansiranja projekta „Stručno osposobljavanje i zapošljavanje krojača za potrebe Ziko d.o.o. Zavidovići;
5. Prijedlog Odluke o odobravanju finansijskih sredstava na ime pomoći od značaja za rad javnih-humanitarnih kuhinja Zeničko-dobojskog kantona;
6. Informacija o stanju bezbjednosti na području Zeničko-dobojskog kantona za 2014. godinu, sa Prijedlogom Zaključka o prihvatanju;
7. Informacija o realizaciji projekta „Kreditno-garancijski fond Vlade Zeničko-dobojskog kantona“, sa prijedlogom zaključka o prihvatanju;
8. Prijedlog Uredbe o izmjeni Uredbe o dopuni Uredbe o izmjeni Uredbe o naknadama i drugim materijalnim pravima koja nemaju karakter plaće;
9. Prijedlog Zaključka o prihvatanju Inicijative notara Selima Brkića iz Tešnja i Notarske komore Federacije Bosne i Hercegovine za izmjenu člana 11. Zakona o sudskim taksama („Službene novine Federacije Bosne i Hercegovine“, broj: 12/09, 4/11, 7/11, 15/11, 2/12, 9/13, 2/14 i 1/15) sa Mišljenjem Ministarstva za pravosuđe i upravu broj: 06/03-02-25886/15;
10. Prijedlog Odluke o raspodjeli sredstava za finansiranje političkih stranaka i koalicije političkih stranaka zastupljenih u Skupštini Zeničko-dobojskog kantona za mjesec mart 2015. godine;
11. Prijedlog Rješenja o razrješenju i konačnom imenovanju novog člana Školskog odbora Srednje muzičke škole Zenica iz reda nastavnika stručnih saradnika i osoblja škole;
12. Prijedlog Zaključka o davanju saglasnosti na Odluku Senata Univerziteta u Zenici o usvajanju inoviranog Nastavnog plana i programa I (prvog) ciklusa studija na Odsjeku za islamsku vjeronauku Islamskog pedagoškog fakulteta Univerziteta u Zenici;
13. Prijedlog Zaključka o davanju saglasnosti JP Elektroprivreda BiH d.d. Sarajevo, Podružnica Elektordistribucija Zenica za izvođenje radova u dvorištu OŠ Ahmed Muradbegović Donji Kakanj;
14. Prijedlog akata koji proizilaze iz Programa mjera štednje Vlade Zeničko-dobojskog kantona za 2015. godinu;
15. Izvještaj o utrošku sredstava po „Programu nabavke opreme i materijala“ Kantonalne uprave za inspeksijske poslove za 2014. godinu, sa Prijedlogom Zaključka o usvajanju;
16. Uredba o izmjeni Uredbe o plaćama, naknadama i drugim materijalnim pravima policijskih službenika Zeničko-dobojskog kantona;
17. Prijedlog Zaključka o ustupanju na privremeno korištenje stalnog sredstva Ministarstva unutrašnjih poslova Škoda Octavia, Ministarstvu za pravosuđe i upravu;

Prva tačka dnevnog reda

Vlada je jednoglasno verificirala zapisnik sa 1. sjednice Vlade Zeničko-dobojskog kantona, održane dana 19.03.2015. godine.

Druga tačka dnevnog reda

Vlada je jednoglasno verificirala zapisnik sa 2. sjednice Vlade Zeničko-dobojskog kantona, održane dana 23.03.2015. godine.

Premijer Zeničko-dobojskog kantona informisao je članove Vlade o isplati finansijskih sredstava na ime socijalnih pomoći, civilnim žrtvama rata, nezaposlenim i zaposlenim porodiljama, stipendije boračke i obrazovanja, studentskim domovima, dječiji dodatak i drugim isplatama.

Treća tačka dnevnog reda

Obrazloženje za ovu tačku dnevnog reda dao je Nurđehan Šahinović, ministar Ministarstva za rad, socijalnu politiku i izbjeglice.

U diskusiji su učestvovali: Premijer Zeničko-dobojskog kantona, sekretar Vlade, sekretar Sekretarijata za zakonodavstvo (*koji su dali dodatno obrazloženje za ovu tačku dnevnog reda*), predsjedavajuća Skupštine i ministar Ministarstva za rad, socijalnu politiku i izbjeglice.

Vlada je jednoglasno donijela Zaključak kojim se utvrđuje Prijedlog Zakona o izmjenama i dopuni Zakona o socijalnoj zaštiti, zaštiti civilnih žrtava rata i zaštiti porodice sa djecom. Prijedlog Zakona iz tačke I. ovog zaključka, upućuje se u dalju skupštinsku proceduru po skraćenom postupku. Zaključak stupa na snagu danom donošenja.

Četvrta tačka dnevnog reda

Obrazloženje za ovu tačku dnevnog reda dao je Nurđehan Šahinović, ministar Ministarstva za rad, socijalnu politiku i izbjeglice.

U diskusiji su učestvovali: ministar Ministarstva finansija, ministar Ministarstva za rad, socijalnu politiku i izbjeglice, sekretar Vlade, ministar Ministarstva za obrazovanje, nauku, kulturu i sport, Premijer Zeničko-dobojskog kantona i sekretar Sekretarijata za zakonodavstvo.

Vlada je jednoglasno donijela Zaključak kojim se Tačka dnevnog reda: Prijedlog Zaključka o odobravanju sredstava Regionalnoj ekonomskoj zajednici REZ d.o.o. Zenica za sufinansiranje projekta „Stručno osposobljavanje i zapošljavanje krojača za potrebe kompanije Ziko d.o.o. Zavidovići“, u skladu sa Sporazumom o partnerstvu potpisanim između: Vlade Zeničko-dobojskog kantona, Općine Zavidovići, Federalnog zavoda za zapošljavanje, USAID Sida GOLD Projekat, Ziko d.o.o. Zavidovići i REZ d.o.o. Zenica, kao pomoć za stručno osposobljavanje i zapošljavanje 120 krojača, koji su se vodili kao nezaposlene osobe na evidenciji Službe za zapošljavanje, vraća na doradu.

Za realizaciju ovog zaključka zadužuje se Ministarstvo za rad, socijalnu politiku i izbjeglice. Zaključak stupa na snagu danom donošenja.

Peta tačka dnevnog reda

Vlada je jednoglasno donijela Zaključak kojim se Tačka dnevnog reda: Prijedlog Odluke o odobravanju finansijskih sredstva na ime pomoći od značaja za rad javnih-humanitarnih kuhinja Zeničko-dobojskog kantona, vraća na doradu. Za realizaciju ovog zaključka zadužuje se Ministarstvo za rad, socijalnu politiku i izbjeglice. Zaključak stupa na snagu danom donošenja.

Šesta tačka dnevnog reda

Obrazloženje za ovu tačku dnevnog reda dao je Hajrudin Žilić, ministar Ministarstva unutrašnjih poslova.

U diskusiji su učestvovali: Premijer Zeničko-dobojskog kantona, ministar Ministarstva za privredu i ministar Ministarstva zdravstva.

Vlada je jednoglasno donijela Zaključak kojim se Prihvata Informacija o stanju bezbjednosti na području Kantona za 2014. godinu. Informacija iz tačke I ovog Zaključka upućuje se u dalju skupštinsku proceduru. Zaključak stupa na snagu danom donošenja.

Sedma tačka dnevnog reda

Obrazloženje za ovu tačku dnevnog reda dala je Đenana Čolaković, sekretar Stručne službe za razvoj i međunarodne projekte.

U diskusiji su učestvovali: ministar Ministarstva za rad, socijalnu politiku i izbjeglice, ministar Ministarstva za pravosuđe i upravu, ministar Ministarstva za privredu, Premijer Zeničko-dobojskog kantona i Predsjedavajuća Skupštine Zeničko-dobojskog kantona.

Vlada je jednoglasno donijela Zaključak o prihvatanju Informacije o realizaciji projekta „Kreditno-garancijski fond Vlade Zeničko-dobojskog kantona“. Prihvata se Informacija o realizaciji projekta „Kreditno-garancijski fond Vlade Zeničko-dobojskog kantona“ Stručne službe za razvoj i međunarodne projekte Zeničko-dobojskog kantona. Zadužuje se Stručna služba za razvoj i međunarodne projekte da nastavi aktivnosti na realizacija projekta Kreditno-garancijski fond Vlade Zeničko-dobojskog kantona. Zaključak stupa na snagu danom donošenja.

i *Zaključak kojim se zadužuje* Stručna služba za razvoj i međunarodne projekte Zeničko-dobojskog kantona, da medijski afirmiše Kreditno-garancijski fond Vlade Zeničko-dobojskog kantona i Javni poziv za podnošenje zahtjeva za odobravanje kredita namjenjenih poslovnim aktivnostima privrednih društava na području Zeničko-dobojskog kantona. Zaključak stupa na snagu danom donošenja.

Osma tačka dnevnog reda

Obrazloženje za ovu tačku dnevnog reda dao je Mirnes Bašić, ministar Ministarstva za pravosuđe i upravu.

U diskusiji su učestvovali: sekretar Sekretarijata za zakonodavstvo, ministar Ministarstva za pravosuđe i upravu i sekretar Vlade.

Vlada je jednoglasno uz *predloženu izmjenu u Prijedlogu ministarstva („naziv Uredbe“)* donijela Uredbu o izmjeni Uredbe o naknadama i drugim materijalnim pravima koja nemaju karakter plaće.

Članak 2. Uredbe o izmjeni Uredbe o naknadama i drugim materijalnim pravima koja nemaju karakter plaće (“Službene novine Zeničko-dobojskog kantona”, broj: 8/09, 14/13, 2/14, 4/14, 6/14, broj: 02-02-3240/14 od 12.2.2014. godine, broj: 02-02-13135/14 od 10.7.2014., broj: 02-02-24028/14 od 4.12.2014., broj: 02-02-1107/15 od 15.1.2015., broj: 02-02-2698/15 od 4.2.2015. i broj: 02-02-3870/15 od 17.2.2015. godine - u daljem tekstu: Uredba), riječi: “primjenjivat će se od 1.4.2015.” zamjenjuju se riječima: “primjenjivat će se od 1.6.2015.”

Uredba će se objaviti u „Službenim novinama Zeničko-dobojskog kantona“.

Deveta tačka dnevnog reda

Obrazloženje za ovu tačku dnevnog reda dao je Mirnes Bašić, ministar Ministarstva za pravosuđe i upravu.

U diskusiji je učestvovala sekretar Vlade.

Vlada je jednoglasno uz *predložene izmjene u Prijedlogu ministarstva, („broj Službenih novina“)* donijela Zaključak kojim se prihvata mišljenje Ministarstva za pravosuđe i upravu po Inicijativi notara Selima Brkića iz Tešnja i Inicijativi Notarske komore Federacije Bosne i Hercegovine za izmjenu člana 11. Zakona o sudskim taksama (“Službene novine Zeničko-dobojskog kantona”, broj: 12/09, 4/11, 7/11, 15/11, 2/12, 9/13, 2/14, 1/15). Zaključak sa Mišljenjem Ministarstva za pravosuđe i upravu, broj 06/03-02-5886/15, upućuje se u dalju skupštinsku proceduru. Zaključak stupa na snagu danom donošenja.

Deseta tačka dnevnog reda

U diskusiji je učestvovao ministar Ministarstva finansija i sekretar Vlade.

Vlada je jednoglasno donijela Zaključak kojim se Tačka dnevnog reda: Prijedlog Odluke o raspodjeli sredstava za finansiranje političkih stranaka i koalicije političkih stranaka zastupljenih u Skupštini Zeničko-dobojskog kantona za mjesec mart 2015. godine, vraća na doradu.

Za realizaciju ovog zaključka zadužuje se Stručna služba Skupštine Zeničko-dobojskog kantona. Zaključak stupa na snagu danom donošenja.

11. tačka dnevnog reda

Obrazloženje za ovu tačku dnevnog reda dao je Mensur Sinanović, ministar Ministarstva za obrazovanje, nauku, kulturu i sport.

Vlada je jednoglasno donijela Rješenje o razrješenju i konačnom imenovanju novog člana Školskog odbora Srednje muzičke škole Zenica.

Razrješava se članstva u Školskom odboru Srednje muzičke škole Zenica:

- Abdulahagić Bisera – član, iz reda nastavnika stručnih saradnika i osoblja škole.
U Školski odbor Srednje muzičke škole Zenica, na period do isteka mandata Školskog odbora, imenuje se:
- Salčinović Meliha – član, iz reda nastavnika stručnih saradnika i osoblja škole.

Rješenje stupa na snagu danom donošenja i objavit će se u „Službenim novinama Zeničko-dobojskog kantona“.

12 tačka dnevnog reda

Obrazloženje za ovu tačku dnevnog reda dao je je Mensur Sinanović, ministar Ministarstva za obrazovanje, nauku, kulturu i sport.

U diskusiji su učestvovali: ministar Ministarstva finansija i Premijer Zeničko-dobojskog kantona.

Vlada je jednoglasno donijela Zaključak o davanju saglasnosti na Odluku Senata Univerziteta u Zenici o usvajanju inoviranog Nastavnog plana i programa I (prvog) ciklusa studija na Odsjeku za islamsku vjeronauku Islamskog pedagoškog fakulteta Univerziteta u Zenici.

Daje se saglasnost na Odluku Senata Univerziteta u Zenici o usvajanju inoviranog Nastavnog plana i programa I (prvog) ciklusa studija na Odsjeku za islamsku vjeronauku Islamskog pedagoškog fakulteta Univerziteta u Zenici.

Odlukom se usvaja inovirani Nastavni plan i program I (pravog) ciklusa studija na Odsjeku za islamsku vjeronauku Islamskog pedagoškog fakulteta Univerziteta u Zenici, a odnosi se na promjenu koncepta studija 3+2+3 na 4+1+3.

Inovirani Nastavni plan i program I (pravog) ciklusa studija na Odsjeku za islamsku vjeronauku Islamskog pedagoškog fakulteta Univerziteta u Zenici primjenjuje se od akademske 2014/2015. godine.

Zadužuju se Univerzitet u Zenici-Islamski pedagoški fakultet i Ministarstvo za obrazovanje, nauku, kulturu i sport i da realizuju ovaj zaključak u skladu sa zakonom i podzakonskim aktima, svako u okviru svojih nadležnosti. Zaključak stupa na snagu danom donošenja.

13 tačka dnevnog reda

Obrazloženje za ovu tačku dnevnog reda dao je je Mensur Sinanović, ministar Ministarstva za obrazovanje, nauku, kulturu i sport.

Vlada je jednoglasno donijela Zaključak kojim se daje saglasnost JP Elektroprivreda BiH d.d. Sarajevo, Podružnica „Elektro distribucija“ Zenica, za izgradnju priključnog 10(20) kV KB, KBTS 10(20)/0,4 kV „Bilješevo“ i svođenje postojeće NN mreže na novu KBTS 10(20)/0,4 kV „Bilješevo“, a na osnovu zahtjeva JP Elektroprivreda BiH d.d. Sarajevo, Podružnica „Elektro distribucija“ Zenica, broj: 03-6-20206-3206/2015 od 09.02.2015. godine i ponovljenog zahtjeva JP Elektroprivreda BiH d.d. Sarajevo, Podružnica „Elektro distribucija“ Zenica, broj: 03-6-20206-4724/2015 od 09.03.2015. godine.

Obavezuje se JP Elektroprivreda BiH d.d. Sarajevo, Podružnica „Elektro distribucija“ Zenica, da realizaciju poslova i zadataka iz tačke I i II ovog zaključka, izvrši u saradnji sa nadležnim općinskim službama i to na način koji će osigurati sigurnost učenika i zaposlenika škole, stanovnika, kao i sve druge uvjete za nesmetano izvođenje nastavnog procesa u školi.

Za realizaciju ovog zaključka zadužuju se menadžment Osnovne škole “Ahmed Muradbegović” Donji Kakanj u općini Kakanj, Ministarstvo za obrazovanje, nauku, kulturu i sport Zeničko-dobojskog kantona i JP Elektroprivreda BiH d.d. Sarajevo, Podružnica „Elektro distribucija“ Zenica, svako u okvirima svojih nadležnosti. Zaključak stupa na snagu danom donošenja.

14 tačka dnevnog reda

Uvodno izlaganje dao je Miralem Galijašević, Premijer Zeničko-dobojskog kantona.

Diskutovala je sekretar Vlade vezano za dostavu svih akata donesenih na sjednici Vlade Zeničko-dobojskog kantona, putem resornog ministarstva.

Članovi Vlade izjašnjavali su se pojedinačno o donošenju akata koji proizilaze iz Programa mjera štednje Vlade Zeničko-dobojskog kantona za 2015. godinu, usvojen Zaključkom broj: 02-14-7146/15 od 19.03.2015. godine, kako slijedi:

14.1.

Vlada je jednoglasno donijela Zaključak kojim se obavezuju rukovodioci svih ministarstava i drugih tijela kantonalne uprave, predsjednici sudova, glavni kantonalni tužilac, kantonalni pravobranilac, rukovodioci reguliranih tijela gdje je Vlada ili ministarstva odgovorni javni službenik ili upravlja državnim kapitalom i drugih ustanova i tijela koja se djelimično ili u cjelosti finansiraju iz Budžeta Zeničko-dobojskog kantona da u slučaju povećanog obima poslova i u drugim slučajevima neophodne potrebe izvrše preraspodjelu radnog vremena umjesto dosadašnjeg rada dužeg od punog radnog vremena (prekovremenog rada).

Ukoliko nije moguće vršiti prespodjelu radnog vremena, rukovodioci su dužni organizovati rad u dvije smjene.

Preraspodjela radnog vremena će se izvršiti tako da u određeno vrijeme za rad na radnim mjestima na kojim je pojačan obim poslova radno vrijeme traje duže od 40 sati sedmično, a po prestanku tih poslova da radno vrijeme traje kraće od punog radnog vremena.

Zadužuju se rukovodioci iz tačke I. ovog zaključka da izvrše reviziju prekovremenog rada, te u roku od 10 dana od dana objave Programa mjera štednje Vlade Zeničko-dobojskog kantona za 2015. godinu na web stranici Kantona, dostave izvještaj Vladi.

Zabranjuje se svako uvođenje i plaćanje prekovremenog rada, osim rada u sudovima i Kantonalnom tužilaštvu u pritvorskim postupcima i to samo za efektivni rad, Ministarstvu unutrašnjih poslova za policijske službenike u skladu sa Zakonom o policijskim službenicima Zeničko-dobojskog kantona i Ministarstvu za obrazovanje, nauku kulturu i sport za rad u nastavi.

Obavezuje se Ministarstvo finansija da sredstva za prekovremeni rad isplaćuje isključivo u skladu sa tačkom IV. ovog Zaključka. Ovaj zaključak stupa na snagu danom donošenja.

14.2.

Vlada je jednoglasno donijela Odluku o utvrđivanju visine osnovne plaće za rukovodioce u ustanovama i organima gdje je Vlada ili ministarstvo odgovorni javni službenik ili upravlja državnim kapitalom.

Vlada Zeničko-dobojskog kantona utvrđuje visinu osnovne plaća rukovoditelja u svim organima, ustanovama gdje je Vlada odgovorni javni službenik ili upravlja kapitalom u državnj svojnini, odnosno svim ostalim ustanovama i organima kojima se iz Budžeta kantona putem transfera, grantova i ugovora vrši uplata sredstava, u maksimalnom iznosu do najviše 3 (tri) prosječne mjesečne isplaćene neto plaće Zeničko-dobojskog kantona, prema podacima Federalnog zavoda za statistiku.

Nalaže se predsjednicima upravnih i nadzornih odbora imenovanih od strane Vlade Zeničko-dobojskog kantona u ustanovama i organima gdje je Vlada ili ministarstvo odgovorni javni službenik, ili upravlja državnim kapitalom da u roku od 30 dana od dana prijema ove Odluke, u skladu sa svojim ovlaštenjima izvrše izmjenu akata i usklađivanje plaća rukovodilaca u skladu sa članom 1. ove Odluke, te o tome izvijeste Vladu Kantona.

Vlada Zeničko-dobojskog kantona sugerise općinskim načelnicima i općinskim vijećima sa područja Zeničko-dobojskog kantona da na istim principima regulišu visinu osnovne plaće za rukovodioce u organima u kojima vrše funkciju odgovornog javnog službenika.

Stupanjem na snagu ove Odluke, stavlja se van snage Odluka o utvrđivanju visine osnovne plaće za rukovodioce u ustanovama i organima gdje je Vlada ili ministrastvo odgovorni javni službenik ili upravlja državnim kapitalom, broj: 02-14-5744/14 od 19.03.2014. godine.

Odluka stupa na snagu danom donošenja i objavit će se u “Službenim novinama Zeničko-dobojskog kantona”.

14.3.

Vlada je jednoglasno donijela Zaključak kojim se obavezuju rukovodioci svih ministarstava i drugih tijela kantonalne uprave, predsjednici sudova, glavni kantonalni tužilac, kantonalni pravobranilac, rukovodioci reguliranih tijela gdje je Vlada ili ministarstva odgovorni javni službenik ili upravlja državnim kapitalom i drugih ustanova i tijela koja se djelimično ili u cjelosti

finansiraju iz Budžeta Zeničko-dobojskog kantona da Vladi u roku od deset dana od dana prijema ovog zaključka, dostave informaciju vezano za mjere preraspodjele radnog vremena i prekovremenog rada, utvrđene Programom mjera štednje Vlade Zeničko-dobojskog kantona za 2014. godinu usvojenim Zaključkom, broj: 02-14-5742/14 od 19.03.2014. godine.

Ako mjere iz tačke I. ovog zaključka nisu ispoštovane iz bilo kojih razloga, pismeno izvijestiti Vladu Zeničko-dobojskog kantona o razlozima njegovog neprimjenjivanja. Zaključak stupa na snagu danom donošenja.

14.4.

Vlada je jednoglasno donijela Zaključak kojim se obavezuju rukovodioci svih ministarstava i drugih tijela kantonalne uprave, predsjednici sudova, glavni kantonalni tužilac, kantonalni pravobranilac, rukovodioci reguliranih tijela gdje je Vlada ili ministarstva odgovorni javni službenik ili upravlja državnim kapitalom i drugih ustanova i tijela koja se djelimično ili u cjelosti finansiraju iz Budžeta Zeničko-dobojskog kantona, da Vladi u roku od deset dana od dana prijema ovog zaključka, dostave informaciju vezano za preispitivanje ugovora o djelu i angažovanju izvršilaca za povremene i privremene poslove utvrđene Programom mjera štednje Vlade Zeničko-dobojskog kantona za 2014. godinu usvojenim Zaključkom, broj: 02-14-5742/14 od 19.03.2014. godine.

Ako mjere iz tačke I. ovog zaključka nisu ispoštovane, pismeno izvijestiti Vladu Zeničko-dobojskog kantona o razlozima njegovog neprimjenjivanja. Zaključak stupa na snagu danom donošenja.

14.5.

Vlada je jednoglasno donijela Zaključak kojim se utvrđuju naknade za rad u upravnim i nadzornim odborima i odborima za reviziju u ustanovama, preduzećima i reguliranim tijelima gdje je Vlada ili ministarstvo odgovorni javni službenik ili upravlja državnim kapitalom, kako slijedi:

- do 300,00 KM za predsjednika, a do 250,00 KM za članove u nadzornim i upravnim odborima, u mjesečnom iznosu, za mjesec u kojima je održana sjednica;
- do 200,00 KM za predsjednika, a do 150,00 KM za članove u odborima za reviziju, u mjesečnom iznosu, za mjesec u kojima je održana sjednica.

Obavezuju se rukovodioci ustanova, preduzeća i reguliranih tijela gdje je Vlada ili ministarstvo odgovorni javni službenik ili upravlja državnim kapitalom da naknade za rad u odborima isplaćuju isključivo u skladu sa tačkom I. ovog zaključka. Zaključak stupa na snagu danom donošenja.

14.6.

Vlada je jednoglasno donijela Zaključak kojim se obavezuju rukovodioci svih ministarstava i drugih tijela kantonalne uprave, predsjednici sudova, glavni kantonalni tužilac, kantonalni pravobranilac, rukovodioci reguliranih tijela gdje je Vlada ili ministarstva odgovorni javni službenik ili upravlja državnim kapitalom i drugih ustanova i tijela koja se djelimično ili u cjelosti finansiraju iz Budžeta Zeničko-dobojskog kantona da u roku od 30 dana od dana prijema ovog zaključka, shodno utvrđenim nadležnostima, a uvažavajući obim poslova, preispitaju pravilnike o unutrašnjoj organizaciji u cilju maksimalne racionalizacije broja organizacionih jedinica i potrebnih izvršilaca. Ovaj zaključak stupa na snagu danom donošenja.

14.7.

U diskusiji su učestvovali: ministar Ministarstva za prostorno uređenje, promet i komunikacije i zaštitu okoline, sekretar Vlade i Premijer Zeničko-dobojskog kantona.

Vlada je jednoglasno donijela Zaključak kojim se obavezuju rukovodioci svih ministarstava i drugih tijela kantonalne uprave, predsjednici sudova, glavni kantonalni tužilac, kantonalni pravobranilac, rukovodioci reguliranih tijela gdje je Vlada ili ministarstva odgovorni javni

službenik ili upravlja državnim kapitalom i drugih ustanova i tijela koja se djelimično ili u cjelosti finansiraju iz Budžeta Zeničko-dobojskog kantona da:

- dok traju mjere iz Programa mjera štednje ne mogu vršiti izmjene sistematizacije iz razloga povećanja broja ili unapređenja izvršilaca, niti se može vršiti popunjavanje upražnjenih radnih mjesta, kao ni angažovanje za povremene i privremene poslove i po ugovorima o djelu, bez saglasnosti Komisije za davanje prethodne saglasnosti za popunu upražnjenih radnih mjesta u kantonalnim organima uprave i ostalim organima,
- preispitaju sve zaključene ugovore o djelu,
- preispitaju ugovore o privremenim i povremenim poslovima,
- preispitaju rješenja/ugovore o prijemu u radni odnos na određeno vrijeme i
- procijene opravdanost ostajanja istih na snazi u skladu sa zakonom i ovim Programom.

Rukovodioci iz tačke I. ovog zaključka dužni su u roku od 10 dana od dana objave Programa mjera štednje Vlade Zeničko-dobojskog kantona za 2015. godinu na web stranici Kantona, pismeno informisati Vladu o svim ugovorima zaključenim u toku 2014. godine. Ovaj zaključak stupa na snagu danom donošenja.

14.8.

U diskusiji je učestvovao Premijer Zeničko-dobojskog kantona.

Vlada je jednoglasno donijela Zaključak kojim se obavezuju rukovodioci svih ministarstava i drugih tijela kantonalne uprave, predsjednici sudova, glavni kantonalni tužilac, kantonalni pravobranilac, rukovodioci reguliranih tijela gdje je Vlada ili ministarstva odgovorni javni službenik ili upravlja državnim kapitalom i drugih ustanova i tijela koja se djelimično ili u cjelosti finansiraju iz Budžeta Zeničko-dobojskog kantona da za sve zaposlenike koji ispunjavaju uslove za penziju odmah donesu rješenja/odluke o prestanku radnog odnosa radi odlaska u penziju, te da obezbijede kontinuiranu primjenu ovog zaključka. Ovaj zaključak stupa na snagu danom donošenja.

14.9.

U diskusiji po ovoj i slijedećoj tački dnevnog reda su učestvovali: ministar Ministarstva za pravosuđe i upravu, sekretar Vlade, Premijer Zeničko-dobojskog kantona, ministar Ministarstva finansija, ministar Ministarstva za prostorno uređenje, promet i komunikacije i zaštitu okoline i sekretar Sekretarijata za zakonodavstvo.

Premijer Zeničko-dobojskog kantona napravio je pauzu u periodu od 12⁰⁴ do 12²⁰ sati, radi dodatnog usaglašavanja oko ovog prijedloga, u kojem su učestvovali; ministar Ministarstva za pravosuđe i upravu, sekretar Vlade, sekretar Sekretarijata za zakonodavstvo i ministar Ministarstva za prostorno uređenje, promet i komunikacije i zaštitu okoline.

Nakon pauze i dodatnog usaglašavanja po ovoj i slijedećoj tački dnevnog reda,

Vlada je jednoglasno *uz predložene izmjene i dopune* donijela Zaključak kojim su rukovodioci svih ministarstava i drugih tijela kantonalne uprave, predsjednici sudova, glavni kantonalni tužilac, kantonalni pravobranilac, rukovodioci reguliranih tijela gdje je Vlada ili ministarstva odgovorni javni službenik ili upravlja državnim kapitalom i drugih ustanova i tijela koja se djelimično ili u cjelosti finansiraju iz Budžeta Zeničko-dobojskog kantona, dužni:

- analizirati i izvršiti reviziju podnešenih zahtjeva, odnosno donesenih rješenja za ovaj vid naknade,
- u postupku priznavanja prava uposlenika na prijevoz obavezno koristiti daljinar (koji je objavljen na web stranici Zeničko-dobojskog kantona-Ministarstvo za prostorno uređenje, promet i komunikacije i zaštitu okoline) i istog se dosljedno pridržavati,
- kao relaciju smatrati udaljenost od početne do odredišne stanice,
- uskratiti prava za sve one kod kojih se utvrdi da ovo pravo ostvaruju bez osnova.

Zadužuje se Ministarstvo za pravosuđe i upravu da u saradnji sa Ministarstvom za obrazovanje, nauku, kulturu i sport, Ministarstvom finansija, Ministarstvom za prostorno uređenje, promet i komunikacije i Službom za zajedničke poslove da u roku od 30 dana sačini novi akt kojim će se sveobuhvatno regulisati pravo na naknadu za prevoz na posao i s posla.

Vlada Zeničko-dobojskog kantona formirat će komisiju čiji će zadatak biti da kontroliše način priznavanja i korištenja prava na prijevoz i o tome informiše Vladu Zeničko-dobojskog kantona. Zaključak stupa na snagu danom donošenja.

14.10.

Vlada je jednoglasno uz predložene dopune donijela Rješenje o formiranju Komisije za kontrolu korištenja prava na naknadu troškova prevoza na posao i s posla.

Formira se Komisija za kontrolu korištenja prava na naknadu troškova prevoza na posao i s posla zaposlenika kantonalnih ministarstava i drugih tijela uprave, organa, ustanova i organizacija koje se u cjelosti ili djelomično finansiraju iz Budžeta Zeničko-dobojskog kantona u sastavu:

- Fehim Humkić, predsjednik-Ministarstvo za prostorno uređenje, promet i komunikacije i zaštitu okoline,
- Ružica Jukić-Ezgeta, član-Ministarstvo za pravosuđe i upravu,
- Nebojša Vasiljević, član-Ministarstvo za obrazovanje, nauku, kulturu i sport,
- Jasmina Osmanović, član-Ministarstvo finansija,
- Nermin Sitnić, član-Služba za zajedničke poslove,
- Elvedin Fetić, član-Samostalni sindikat osnovnog, obrazovanja i odgoja BiH, Kantonalni odbor Zeničko-dobojskog kantona,
- Ermin Ferhatović, član-Samostalni sindikat srednjeg i visokog obrazovanja, odgoja, nauke i kulture BIH-Kantonalni odbor Zeničko-dobojskog kantona,
- Edin Hibić, član-Sindikat policije Ministarstva unutrašnjih poslova Zeničko-dobojskog kantona.

Zadatak Komisije iz tačke I. ovog rješenja jeste:

- Da u roku od šezdeset (60) dana od donošenja ovog zaključka izvrši kontrolu utvrđivanja ispunjenosti uslova za korištenje prava na naknadu za prevoz na posao i s posla, shodno Uredbi o naknadama i drugim materijalnim pravima koja nemaju karakter plaće, uvidom u dokumentaciju na osnovu koje je rukovoditelj organa utvrdio pravo na predmetnu naknadu, te neposrednim radom na terenu,
 - Sedmično planiranje kontrola uz obavezno prethodno dostavljanje Plana rada Premijeru Kantona na uvid,
 - Mjesečno izvještavanje Vlade Kantona o izvršenju zadataka, sa prijedlogom mjera.
- Rješenje stupa na snagu danom donošenja.

14.11.

Vlada je jednoglasno donijela Zaključak kojim se utvrđuje se da dok traju mjere štednje, nema isplata jubilarnih nagrada, naknada za posebne rezultate rada, stimulacija i sličnih naknada u ministarstvima i drugim tijelima kantonalne uprave, sudovima, kantonalnom tužilaštvu, kantonalni pravobranilaštvu, reguliranim tijelima gdje je Vlada ili ministarstvo odgovorni javni službenik ili upravlja državnim kapitalom i drugim ustanovama i tijelima koja se djelimično ili u cjelosti finansiraju iz Budžeta Zeničko-dobojskog kantona. Ovaj zaključak stupa na snagu danom donošenja.

14.12.

U diskusiji su učestvovali ministar Ministarstva za pravosuđe i upravu i sekretar Sekretarijata za zakonodavstvo.

Vlada je jednoglasno donijela Zaključak kojim se zadužuje se Ministarstvo za pravosuđe i upravu, Ministarstvo finansija i Stručna služba Vlade, da u roku od 30 dana od dana donošenja ovog Zaključka, sačine tekst Uredbe o načinu obrazovanja komisija i naknada za rad članova komisija

koje se osnivaju u okviru kantonalnih organa uprave u skladu sa Programom mjera štednje Vlade Zeničko-dobojskog kantona za 2015. godinu, te usklade i druge kantonalne propise koji regulišu formiranje pojedinih komisija i naknade za iste. Zaključak stupa na snagu danom donošenja.

14.13.

Diskutovao je Premijer Zeničko-dobojskog kantona.

Vlada je jednoglasno *uz predloženu izmjenu (posebenosti/specifičnosti)* donijela Zaključak kojim se obavezuju rukovodioci svih ministarstava i drugih tijela kantonalne uprave, predsjednici sudova, glavni kantonalni tužilac, kantonalni pravobranilac, rukovodioci reguliranih tijela gdje je Vlada ili ministarstva odgovorni javni službenik ili upravlja državnim kapitalom i drugih ustanova i tijela koja se djelimično ili u cjelosti finansiraju iz Budžeta Zeničko-dobojskog kantona da u roku od 15 dana od dana donošenja ovog zaključka, dostave eventualne specifičnosti koje se tiču formiranja komisija iz nadležnosti ministarstva kojim rukovode, što podrazumijeva način i uslove za imenovanja članova komisija, opis zadataka komisija, vrijeme i mjesto rada komisija, mandate članova, naknade i slično, a koji bi zbog specifičnosti djelokruga i angažmana članova trebali biti izuzeti od tačke 4. Programa mjera štednje za 2015. godine. Ovaj zaključak stupa na snagu danom donošenja.

14.14.

Vlada je jednoglasno donijela Zaključak kojim se zadužuje Služba za zajedničke poslove da u roku od 15 dana od dana objavljivanja Programa mjera štednje Vlade Zeničko-dobojskog kantona za 2015. godinu na web stranici Kantona, preispita odredbe Pravilnika o korištenju motornih vozila, te pripremi potrebne izmjene i dopune u smislu njihovog poboljšanja u skladu sa provođenjem navedenog Programa, te o istom obavijesti Vladu Kantona. Zaključak stupa na snagu danom donošenja.

14.15.

Vlada je jednoglasno uz donijela Odluku o korištenja službenih vozila.

Ovom Odlukom se određuje ko i na koji način ima pravo korištenja službenih vozila.

Pravo korištenja službenih vozila u funkciji izvršavanja poslova i zadataka iz djelokruga ministarstva, Vlade Kantona i Skupštine Kantona i za potrebe prevoza na posao i s posla imaju:

- Premijer Zeničko-dobojskog kantona,
- Ministri u Vladi Zeničko-dobojskog kantona,
- Predsjedavajući Skupštine Zeničko-dobojskog kantona,

na način i pod uslovima definisanim zakonom i podzakonskim aktima kojima se reguliše način korištenja službenih vozila.

Izričito se zabranjuje korištenje službenih vozila u privatne svrhe.

Zaduženje, odnosno razduženje službenih vozila obavljat će Služba za zajedničke poslove na način i uslovima propisanim posebnim aktom Službe za zajedničke poslove.

Stupanjem na snagu ove Odluke, stavlja se van snage Odluka o korištenju službenih vozila, broj: 02-27-5743/14 od 19.03.2014. godine.

Odluka stupa na snagu danom donošenja i objavit će se u “Službenim novinama Zeničko-dobojskog kantona”.

14.16.

Diskutovala je sekretar Vlade.

Vlada je jednoglasno *(uz predložene izmjene i dopune u članu 5 i 10 Prijedloga Odluke)* donijela Odluku o uslovima korištenja i načinu plaćanja službenih mobilnih telefona.

Ovom Odlukom reguliše se utvrđivanje prava na korištenje službenih mobilnih telefona u organima i službama Zeničko-dobojskog kantona, te ograničenja u smislu iznosa mjesečnog troška.

Pravo korištenja službenih mobilnih telefona uz naknadu troškova upotrebe ima:

- Premijer Zeničko-dobojskog kantona;
- Ministar u Vladi Zeničko-dobojskog kantona;

- Sekretar Vlade Zeničko-dobojskog kantona;
- Sekretar Skupštine Zeničko-dobojskog kantona;
- Sekretar Sekretarijata za zakonodavstvo;
- Sekretar Stručne službe za razvoj i međunarodne projekte;
- Direktor Službe za zajedničke poslove;
- Direktor Kantonalne uprave za inspekcijske poslove;
- Direktor Kantonalnog zavoda za pravnu pomoć;
- Direktor Kantonalne direkcije za robne rezerve;
- Direktor Pedagoškog zavoda;
- Direktor Kantonalne uprave civilne zaštite;
- Direktor Kantonalne uprave za šumarstvo;
- Direktor Veterinarskog zavoda;
- Kantonalni pravobranilac;
- Šef Ureda Premijera Zeničko-dobojskog kantona;
- Šef protokola Skupštine;
- Savjetnik Premijera Zeničko-dobojskog kantona;
- vozač Premijera Zeničko-dobojskog kantona i vozač Predsjedavajućeg Skupštine Zeničko-dobojskog kantona.

Troškovi upotrebe službenog mobilnog telefona Premijera Zeničko-dobojskog kantona ograničavaju se na 150,00 KM mjesečno.

Troškovi upotrebe službenog mobilnog telefona ministara u Vladi Zeničko-dobojskog kantona ograničavaju se na 100,00 KM mjesečno.

Troškovi upotrebe službenog mobilnog telefona ograničavaju se na 50,00 KM mjesečno za:

- Sekretara Skupštine Zeničko-dobojskog kantona;
- Sekretara Vlade Zeničko-dobojskog kantona;
- Sekretara Sekretarijata za zakonodavstvo;
- Sekretara Stručne službe za razvoj i međunarodne projekte;
- Šefa Ureda Premijera Zeničko-dobojskog kantona;
- Šef protokola Skupštine;
- Direktora Službe za zajedničke poslove;
- Direktora Kantonalne uprave za inspekcijske poslove;
- Direktora Kantonalnog zavoda za pravnu pomoć;
- Direktora Kantonalne direkcije za robne rezerve;
- Direktora Pedagoškog zavoda;
- Direktora Kantonalne uprave civilne zaštite;
- Direktora Kantonalne uprave za šumarstvo;
- Direktora Veterinarskog zavoda;
- Kantonalnog pravobranioca;
- Savjetnika Premijera Zeničko-dobojski kantona.

Troškovi upotrebe službenog mobilnog telefona ograničava se na 20,00 KM mjesečno za:

- Vozača Premijera Zeničko-dobojskog kantona;
- Vozača Predsjedavajućeg Skupštine.

Uslovi korištenja i troškovi upotrebe službenih mobilnih telefona za potrebe Ministarstva unutrašnjih poslova regulisat će se posebnim aktom ministarstva.

Plaćanje troškova upotrebe službenog mobilnog telefona, vršit će se na osnovu jedinstvenog računa sa analitikom ispostavljenog na Službu za zajedničke poslove, za jedinstvenu grupu korisnika mobilnih usluga iz člana 2 ove Odluke.

Sredstva za isplatu troškova službenih mobilnih telefona prema jedinstvenom računu za usluge mobilne telefonije osigurat će se u Budžetu Zeničko-dobojskog kantona na budžetskoj poziciji Službe za zajedničke poslove.

Nabavka mobilnih uređaja će se vršiti isključivo proširivanjem ugovora za Top Tim uslugu, uz plaćanje mjesečnih anuiteta, koji će se odbijati od plaće uposlenika, a koje su dužni u slučaju prekida ugovornog odnosa sa operaterom preuzeti na lično ime i na istoj tarifnoj opciji.

Po isplati posljednjeg mjesečnog anuiteta za nabavku mobilnog uređaja ili preuzimanja ugovornog odnosa iz stava 1. ovog člana, isti ostaje u vlasništvu uposlenika.

Nabavku mobilnih uređaja proširivanjem osnovnog ugovora za Top Tim uslugu nije moguće vršiti po specijalnim cijenama jer se tim onemogućava prenos ugovorenog odnosa predviđen stavom (1) ovog člana.

Služba za zajedničke poslove vrši praćenje prekoračenja troškova pojedinih korisnika na osnovu mjesečnih detaljnih izvještaja ugovornog operatera i o istom obavještava Premijera Kantona.

U slučaju prekoračenja troškova iznad iznosa dozvoljenih ovom Odlukom, vršit će se obustava od plaće za prekoračeni iznos u narednom mjesecu.

Iznimno, u slučaju da je prekoračenje troškova iznad iznosa dozvoljenih ovim Zaključkom nastalo zbog povećanog obima poslova i s tim u vezi potrebe korištenja mobilnog telefona, može se izvršiti plaćanje iznosa prekoračenja samo uz prethodnu saglasnost Premijera Kantona.

Za realizaciju ove Odluke zadužuje se Ministarstvo finansija Zeničko-dobojskog kantona, Služba za zajedničke poslove zadužena za kreiranje jedinstvene grupe korisnika mobilnih usluga iz člana 2 ove Odluke.

Stupanjem na snagu ove Odluke prestaje primjena Zaključka o uslovima korištenja i načinu plaćanja službenih mobilnih telefona, broj: 02-27-5745 od 19.03.2014. godine, broj: 02-27-14583 14 od 17.07.2014 i broj: 02-27-1120 15 od 15.01.2015. godine.

Odluka stupa na snagu danom donošenja, a primjenjivat će se od 01.04.2015. godine i objavit će se u "Službenim novinama Zeničko-dobojskog kantona".

14.16.1.

i Zaključak kojim se

zadužuje Služba za zajedničke poslove da u roku od 90 dana od dana stupanja na snagu Odluke o uslovima korištenja i načinu plaćanja službenih mobilnih telefona, izvjesti Vladu Zeničko-dobojskog kantona o efektima njene primjene. Zaključak stupa na snagu danom donošenja.

14.17.

U diskusiji su učestvovali: sekretar Sekretarijata za zakonodavstvo, ministar Ministarstva za prostorno uređenje, promet i komunikacije i zaštitu okoline, sekretar Vlade, Premijer Zeničko-dobojskog kantona, ministar Ministarstva finansija, ministar Ministarstva za obrazovanje, nauku, kulturu i sport, ministar Ministarstva za rad, socijalnu politiku i izbjeglice i predsjedavajuća Skupštine Zeničko-dobojskog kantona.

Vlada je jednoglasno donijela Zaključak kojim se obavezuju rukovodioci svih ministarstava i drugih tijela kantonalne uprave, predsjednici sudova, glavni kantonalni tužilac, kantonalni pravobranilac, rukovodioci reguliranih tijela gdje je Vlada ili ministarstva odgovorni javni službenik ili upravlja državnim kapitalom i drugih ustanova i tijela koja se djelimično ili u cjelosti finansiraju iz Budžeta Zeničko-dobojskog kantona da u postupku donošenja općih i pojedinačnih akata striktno primijene mjere utvrđene Programom mjera štednje Vlade Zeničko-dobojskog kantona za 2015. godinu. Zaključak stupa na snagu danom donošenja.

15 tačka dnevnog reda

Obrazloženje za ovu tačku dnevnog reda dala je Mirsada Silajdžić, direktorica Kantonalne uprave za inspekcijske poslove.

Vlada je jednoglasno donijela Zaključak kojim se usvaja Izvještaj o utrošku sredstava po „Programu nabavke opreme i materijala“ Kantonalne uprave za inspekcijske poslove za 2014. godinu, koji je usvojen Zaključkom Vlade Zeničko-dobojskog kantona broj: 02-14-9444/14 od 25.04.2014. godine. Zaključak stupa na snagu danom donošenja.

16 tačka dnevnog reda

Obrazloženje za ovu tačku dnevnog reda dao je Hajrudin Žilić, ministar Ministarstva unutrašnjih poslova.

U diskusiji su učestvovali: sekretar Sekretarijata za zakonodavstvo i Premijer Zeničko-dobojskog kantona.

Vlada je jednoglasno *uz predloženu izmjenu u Prijedlogu ministarstva („naziv Uredbe“)* donijela Uredbu o izmjeni Uredbe o plaćama, naknadama i drugim materijalnim pravima policijskih službenika Zeničko-dobojskog kantona

U članu 2. Uredbe o izmjeni Uredbe o plaćama, naknadama i drugim materijalnim pravima policijskih službenika Zeničko-dobojskog kantona („Službene novine Zeničko-dobojskog kantona“, broj: 5/14, 6/14, broj: 02-02-669/15 od 09.01.2015. godine, broj: 02-02-2708/15 od 04.02.2015. godine i broj: 02-02-4300/15 od 24.02.2015. godine) (u daljem tekstu: Uredba), riječi: „primjenjivat će se počev od 01.04.2015. godine.“ zamjenjuju se riječima: „primjenjivat će se počev od 01.06.2015. godine.“.

Uredba stupa na snagu danom donošenja i objavit će se u "Službenim novinama Zeničko-dobojskog kantona“.

17 tačka dnevnog reda

Obrazloženje za ovu tačku dnevnog reda dao je Hajrudin Žilić, ministar Ministarstva unutrašnjih poslova.

Vlada je jednoglasno donijela Zaključak o ustupanju stalnog sredstva na privremeno korištenje. Ustupa se na privremeno korištenje sljedeće stalno sredstvo Ministarstva unutrašnjih poslova, kako slijedi:

- Putničko motorno vozilo marke Škoda Octavia, registarskih oznaka A87-E-642, boja crna, broj motora CLC015167, broj šasije TMBDN41Z6C2068142, godina proizvodnje 2011. Ministarstvu za pravosuđe i upravu Zeničko-dobojskog kantona.
 - Sredstvo iz tačke I ovog zaključka ustupa se na korištenje do 31.03.2016. godine.
- Za realizaciju ovog Zaključka zadužuju se Ministarstvo unutrašnjih poslova i Ministarstvo za pravosuđe i upravu. Zaključak stupa na snagu danom donošenja.

Premijer je sjednicu zaključio u 12⁵⁴ sati.

SEKRETAR VLADE

Berjana Ačkar

PREMIJER

Miralem Galijašević

ZAPISNIČAR

Alma Hrnjić